



Broj: 10/E-11-4457/22
Sarajevo, 15.07.2022 godine

Na osnovu člana 17. stav (1), člana 18. stav (1), člana 87. stav (1) i (2) i člana 88. Zakona o javnim nabavkama ("Službeni glasnik BiH", br. 39/14), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za prostorno uređenje i investicije od 20.06.2022.godine, Opštinski načelnik d o n o s i

POSEBNU ODLUKU
o pokretanju postupka javne nabavke
putem konkurentskog zahtjeva za dostavu ponuda

Član 1.

Odobrava se pokretanje postupka javne nabavke usluga izrade projektne/tehničke dokumentacije za rekonstrukciju, nadogradnju i izgradnju javne rasvjete na području Općine Centar Sarajevo, putem konkurentskog zahtjeva za dostavu ponuda.

Član 2.

Procijenjena vrijednost nabavke iz člana 1. ove Odluke bez PDV-a iznosi ukupno 20.000,00 KM. Predmetna nabavka će se finansirati iz sredstava Općine Centar Sarajevo, na budžetskom kontu: 821221-1. JRJN: 71242000-6 - Izrada projekta i nacрта, procjena troškova.

Član 3.

Postupak javne nabavke provest će se u skladu sa odredbama Zakona o javnim nabavkama ("Službeni glasnik BiH", br. 39/14) koje se odnose na konkurentski zahtjev za dostavu ponuda, te će se nakon provedene procedure zaključiti Ugovor sa izabranim ponuđačem.

Član 4.

Postupak javne nabavke do zaključenja Ugovora, provest će Kabinet općinskog načelnika - Odsjek za javne nabavke.
Praćenje i realizaciju zaključenog Ugovora, provest će Služba za prostorno uređenje i investicije, u skladu sa zakonom i općim aktima ovog organa uprave.

Član 5.

Kriterij koji će se primjenjivati u postupku javne nabavke: član 64. stav (1) tačka a) „ekonomski najpovoljnija ponuda“ sa utvrđenim potkriterijima: 1. Cijena 90%; 2. Rok izvršenja 10%.

Član 6.

Ova Posebna odluka stupa na snagu danom donošenja.

O b r a z l o ž e n j e

Na osnovu zahtjeva Službe za prostorno uređenje i investicije od 20.06.2022.godine za pokretanje procedure nabavke usluga izrade projektne/tehničke dokumentacije za rekonstrukciju, nadogradnju i izgradnju javne rasvjete na području Općine Centar Sarajevo, Kabinet općinskog načelnika - Odsjek za javne nabavke je pokrenuo proceduru navedene nabavke, putem konkurentskog zahtjeva za dostavu ponuda.

Zahtijevana nabavka nije predviđena Planom javnih nabavki za 2022. godinu, ali će ista nakon potpisivanja Posebne odluke biti uvrštena kroz Izmjene i dopune Plana javnih nabavki za 2022.godinu.

Naime, razlog pokretanja predmetne nabavke je obrazložen u zahtjevu Službe za prostorno uređenje i investicije, odnosno s obzirom na veliki broj zahtjeva dostavljenih od strane Savjeta mjesnih zajednica za Budžet Općine Centar 2020, 2021. i 2022. godine, čija realizacija kasni zbog neriješenog pitanja nadležnosti za rekonstrukciju, nadogradnju i izgradnju javne rasvjete, nadležna Služba planirala je u nastupajućem periodu poduzeti aktivnosti u cilju obezbjeđenja projektne/tehničke dokumentacije za predložene projekte, kao prvi korak u procesu realizacije bilo kojeg projekta. S tim u vezi, kao prioritet su predloženi zahtjevi mjesnih zajednica, uz napomenu da je u ovoj fazi planirana samo izrada investiciono-tehničke dokumentacije, dok će se realizaciji pristupiti prema utvrđenoj proceduri, u skladu s obezbijeđenim sredstvima, zbog čega je bitno blagovremeno odrediti prioritetne projekte.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju nabavke, odnosno da će se predmetna nabavka finansirati iz sredstava Budžeta Općine Centar Sarajevo za 2022. godinu na budžetskom kontu: 821221-1.

Zbog potrebe pravovremenog pokretanja postupka javne nabavke, uzimajući u obzir obavezne rokove propisane Zakonom o javnim nabavkama, Opštinski načelnik je donio Posebnu odluku kao u dispozitivu.



DOSTAVITI:

1. Službi za prostorno uređenje i investicije
2. Kabinetu općinskog načelnika – Odsjeku za javne nabavke
3. Evidenciji